

M108S: Herzog Ernst A (S)

- 0,1 Was daz mere vil lip
0,2 fīch vrowte alle dīv diet
0,3 OTto der kvnic gvt
0,4 vrowte fere fīnen mṽt
0,5 Do er rehte ver nam·
0,6 vmb div vrowe luftfām
0,7 Div minneclīchen boteschaft
0,8 do hiez er mit craft
0,9 Sine brautloft ftīften·
0,10 vnd gebot in allen gerihten·
0,11 Mit michelem lobe
0,12 den vurften zṽ houē
0,13 Do quamen fī ze famene
0,14 fī hvben fīch mit megene
0,15 Hin nah der vrowen
0,16 do mohte man fchowen
0,17 Manigen riter gemeit
0,18 do div herzoginne adelheit
0,19 Dem keiser zv wibe wart gegeben
0,20 do reit manig diet degn·
0,21 Spilende mit dem schilde
0,22 do was daz gevilde
0,23 Mit helden bevangen·
0,24 do hubn fī sich dannen
0,25 Zṽ megynze an div herberge
0,26 vil michel was menige
0,27 in romīschem rīche
0,28 En newart nīe grozer hof
0,29 do waf fānc vnd loft
0,30 Wnne vnd ere
0,31 des waf der kvnic here
0,32 Gelobt īn manigem lande
0,33 do gab er den wiganden
0,34 Phellel. dīv breiten
0,35 moRe mit den gereiten
0,36 Golt vnd filber
0,37 vnd ander zierde mani^cfalde
0,38 Di hiez er īn voR tragen

0,39 iv kan *ni*eman gefagen
0,40 Di wnne di fi heten·
0,41 Mit eren fi do lebten
0,42 Do div brutloft was getan
0,43 di herren begonden vûr gan
0,44 Vnd namen vrlop
0,45 do zerginc der michele hof
0,46 Witener wegene
0,47 di twrlichen degene
0,48 Di fchiden fich alle vil vro
0,49 dannen reit der kvnic do
0,50 Mit der vrowen wolgetan
0,51 iz was im harte wol ergan
0,52 DEr romifke here
0,52a [...]
0,53 do gap er im fchone
0,54 Mit keiferlicher gabe
0,55 vnd allen den zware
0,56 Di im gevolgeten dare
0,57 do wart der degen wol geware
0,58 Daz ern mit triwen meínte
0,59 wi dikke er im befcheinte
0,60 Manige ueterliche dinc
0,61 alf fin eigenes kint
0,62 Hielt er den herren
0,63 er half ouch finer eren
0,64 Swo erz mohte getvn
0,65 beide fpate vnd vrû
0,66 Des waf er ín michelm lobe
0,67 ín hiez vil dikke da zv houe
0,68 Der keifer an finen rat gan·
0,69 do konde wol der kvne man
0,70 Sprechen mit fulchen zvchten
0,71 daz iz mit eren hoRen mohte
0,72 Der keifer vnd daz riche
0,73 er redete willichen
0,74 Swes fo er begynde
0,75 der helt wol kvnde
0,76 Aller flachte vrûmekeit
0,77 er waf zv aller zit gemeit
0,78 ERnift der herczoge
0,79 mohte wol da zv houe
0,80 Der keifer waf im gvt
0,81 vnd tet im libes gnûc
0,82 Daz vor diente der degn mere
0,83 vmb den kvníc heren
0,84 Swa erf bedoRfte zv der not·
0,85 des gap er im daz golt rot

0,86 Dikke ane wage
0,87 mit triwen fi do waren
0,88 Gvte vrunt daz ift war
0,89 mit eren vil manig iar
0,90 Daz fie nie wurde geuee
0,91 diz tet eim heinriche woe
0,92 Der waf ein def keiserf neue
0,93 [vnd] sin ratgebe
0,94 [Der] het di phalinze bi rine
0,95 der begonde den helt niden
0,96 Von keiner slachte sculde
0,97 wendaz er def keisers hulde
0,98 Also wol hete
0,99 do gedahter waz er tete
0,100 Daz erim vntwente
0,101 vnd in so geschente
0,102 Daz erm von herzen worde gram
0,103 wend man ze houe nie^t ver nam
0,104 *Also wol so do beuorn*
0,105 diz waf im leit vnde zoRn·
0,106 Do begynt der vngetrwe man
0,107 mit listen voR den kunic gan
0,108 Er sagt im werlichen
0,109 in wolde von dem riche
0,110 Der herzoge stozen
0,111 er hube sich so groze
0,112 "I m sint di vurften alle holt"